



Шуко калык шке тиште кечыжым кугу пайрем семын палемда. 1992 ийыште эртыше чумыр марий погын Марий тиште кечым ий еда 10 декабрьыште палемдаш пунчалын. Но, пунчалын закон дене келшыше вийым налмешкыже куд ий эртен.

Марий тиште кече калыкнан койыш-шоктышыжым, уш-акылжым да чумыр илышнам пойдарен шогышо кугу да кукшын аклыме пайремышке савырнен шуын. А тудын историйже акрет годсо пагытышке шуйналтеш да марий тамгашке миен энерта.

7 декабрьыште Морко рүдө книгагудышто марий йылме да литератур шұлыш ойыртмалтынак озаланен. Лач тиде кечын марий калыкын ожнысо возымо историйже, икымше марий книган савыкталмыже да марий сылнымутын шочмыжо нерген Морко икымше кыдалаш школын 8-ше классыште тунемшыже-влак дене

пырля кутыренит. Книгагудо пашаен-влак «Кушто «А» букваже» мурым сылнын йонгалтаренит, «Марфушка ден Юзо книга» сценкым онайын модын ончыктенит.

Мероприятийын участникше-влак кок командылан шелалтын, 5 станцийыште түрлө заданий-влакым шуктенит. Марла ұжмашым сераш, викторинысе йодыш-влаклан вашмутым пуаш, рушла гыч марлашке В.Сутеевын «Три котёнка» ойлымашыжым кусараш, «Письменность» мут гыч шуко у мутым чонач, сүрет почеш икгай марий узор-влакым кычалаш күлын. Чыла станцийым эртымеке, марий тиште кечын эмблемыжым ужаш-влак гыч погеныт.

Тыге икшыве-влак марий йылме да литератур деке шұман улмыштым ончыктенит. Вашлиймаш онайын эртен.

Людмила АЛЕКСАНДРОВА,
книгагудо пашаен